



Inatsisartuni ilaasortaq
Jens Immanuelson, Siumut
Inatsisartut
/Maani

§ 37-mut kommunit pillugit apeqqutip nr. 238-ip akineqarnera

Asasara Jens Immanuelson,

Inatsisartut suleriaasianni § 37, imm. 1 naapertorlugu kommunit pillugit Naalakkersuisunut apeqquteqarsimavutit. Apeqqutigineqartut uannut akisassanngortinneqarsimapput. Akissutigata ataani allassimasuni takuneqarsinnaavoq.

Apeqqut: Nunatsinni kommunini sisamaasuni kommunit sorliit Kommuneqarfiit Nakkutilliisoqarfiannit nakkutigisaappat? - sunalu pissutigalugu? – nakkutiginninissaq pisariaqalersimappat tamatumunnga inatsit sorleq tunngavigineqarpa?

Akissut:

Kalaallit Nunaanni inatsisitigut toqqammavissaqanngilaq kommuninik nakkutiginnittalerinissamut. Taamaattumik kommunit 4-t arlaannaalluunniit nakkutigisaanngilaq.

Kommuninik aqutsineq pillugu inatsimmi kap. 7 inatsisitigut toqqammavigalugu kommuninik nakkutilliisoqartarpoq (Kommunit aqunneqarnerat pillugu Inatsisartut inatsisaat nr. 22, 18. november 2010-meersoq). Naalakkersuisunut Siullittaasoq akisussaasuvoq inatsiliornerup eqquutinneqarnissaanut nakkutiginninneq, Aningaasaqarnermullu Naalakkersuisoq kommu-nit aningaasaqarnerisigut nakkutiginninnermut akisussaasuulluni.

Qaasuitsup Kommunia aamma Kommune Kujalleq maannakkorpiaq ilaatigut aningaasaqarnikkut pissutsit pissutigalugit annertusisamik nakkutigisaapput. Tamanna tunngavigalugu Aningaasaqarnermut Naalakkersuisup iliuusissatut pilersaarutit pillugit kommuninik aalajangersimasunik isumaqatigiissusiorsimavoq.

Kommune Kujalleq januar 2015-imiilli annertusisamik nakkutigisaasimavoq. Tunuliaqutaasoq unaavoq, kommunimit siusinnerusukkut isumaqatigiissutaasumi naatsorsuutigisatut Namminersorlutik Oqartussanit taarsigassarsiani akilersorsinnaasimangimmagit. Annertusisamik nakkutiginninnermut atatillugu taarsigassarsiat utertillugit taarsersornissaanut piffissaliusaaq sivitsorneqarsimavoq.

Qaasuitsup Kommunia april 2015-imiilli annertusisamik nakkutigisaasimavoq. Tunuliaqutaasoq unaavoq, kommunimit siusinnerusukkut Namminersorlutik Oqartussanit isumaqatigiissutaasimasumi naatsorsuutigisatut aningaasanik atuisinnaatitaanini annikillissinnaasimangimmagu. Annertusisamik nakkutiginninnermut atatillugu aningaasanik atuisinnaatitaanerup annikillissinnissaanut piffissaliusaaq sivitsorneqarpoq.

Inussiarnersumik inuulluaqqusillunga

Med venlig hilsen

Kim Kielsen

30/9-2015
Suliap normua
Allak. nr. 1212968

Postboks 1015
3900 Nuuk
Oqarasuaat (+299) 34 50 00
Fax (+299) 32 50 02
E-mail: govsec@nanoq.gl
www.naalakkersuisut.gl

Inatsisartut suleriaasiat § 37 immikkoortoq 1 naapertorlugu matumuuna Naalackersuisunut apeqqutit imaattut saqqummiuppakka:

1. Nunattinni kommuunini sisamaasuni kommuunit sorliit kommuuneqarfiit nakutilliisoqarfiannit nakkutigisaappat ? -aamma sooq ? -nakkutiginninissaq pisariaqalersimappat tamatumunnga inatsit sorleq tungavigineqarpa?

(Jens ImmanuelSEN Siumut)

Tunggavilersuut:

Ilisimaneqartutut kommuunit namminersortuupput aaliagiisinaanerlu kommunalbestyrelsemiilluni aamma qulaani apeqqutigisanni kommuunit sunik pisussaafiusunik naamassininnaagippata nakkutilliinissaq pisariaqalertarpa ?

Isumaqarluinnarama inatsisitigut nakkutilliinissamik alajagiisoqarsimappat kommuunip namminersorlutik oqartussanut pisussaafini eqqutissinnaasimagikkai nakkutillisoqalersussaasoq soqutigalungu apeqquteqarpunga ersarissarneqaqqullungu qaqungukkut namminersorlutik oqartussani nakutilliisussaataasut akulerutissanersut, kommunalbestyrelse-mi inatsisitigut pisinnaatitaafii illersugaammata, akissuteqarfigineqarnissannut qilanaarlunga

Apeqquteqaatimma ullut suliffiusut qulit iluanni akineqareersimanissaat kissaatigaara.